



«Այբ» ավագ դպրոց

ԳՐԱԿԱՆՈՒԹՅՈՒՆ

Քննաշրջան՝ 2021 թ., ապրիլ
Տևողություն՝ 1 ժամ 15 րոպե
Հավելյալ նյութ՝ Պատասխանների գրքույկ

ՈՒՇԱԴԻՐ ԿԱՐԴԱԼ ԱՅՍ ՈՒՂԵՑՈՒՅՑԸ

Անհրաժեշտ է հետևել Պատասխանների գրքույկի կազմին գրված ցուցումներին:

Գրել մուգ կապույտ կամ սև գրիչով:

Պետք է պատասխանել բոլոր հարցերին:

Քննության վերջում բոլոր թղթերը հավաքել և հանձնել մեկ տրցակով:

Յուրաքանչյուր հարցի հնարավոր առավելագույն միավորը նշված է հարցի վերջում աջ կողմում:

Հարցերի միավորների ընդհանուր քանակը 32 է:

Այս փաստաթուղթը բաղկացած է 3 տպագիր և 1 դատարկ էջերից:

Սիրելի՛ դիմորդ, ստորև ներկայացվող հատվածը Գրիգոր Զոհրապի «Այրին» նորավեպից (նովելից) Է: Կարդա՛ այն և պատասխանի՛ր հարցերին:

Հայրենիքը, Չարդար, իր մանկամարդ կինը, կը սպասեր: Իրենց սուրբ պսակենի վերհագիվ մեկ երկու ամիս Էրկանը¹ երեսը տեսած Էր, ու ստակ² վաստկելու աննահանջելի հարկը՝ հեռավոր երկիրներ ամառնորդած Էր զայն: Կը սիրե՞ր արդյոք այն երիտասարդը, որ իր ամուսինը եղած Էր. այն կույր ու անտրտունջ հնազանդության մեջ, որ հայուհիներու բոլոր կյանքը կը կազմե այդ կողմերը, ո՛չ խորհելու և ո՛չ զգալու տեղի մնացած Է. իրեն չԷին հարցուցեր երբեք, թե կ'ուզե՞ր այն մարդը, զոր իրեն սահմանած Էին. ինքն ալ չԷր մտածեր անոր վրա. ո՛չ կատեր և ո՛չ կը սիրեր զայն մինչև իր ամուսնության օրը: Եվ ամուսնութենեն ետքը ա՛յնչափ քի՛չ ատեն անցուցած Էր հետը, այնչափ մտերմութենե զուրկ, որ գրեթե պաշտոնական եղած Էին իրենց հարաբերությունները՝ միևնույն հարկին տակ բնակվող բազմաթիվ ազգականներու աններող նայվածքին տակ:

Այդ նոր ընտանիքին մեջ, ուր կը մտներ գլխավորապես ծառայության համար, ամենեն քիչ իր Էրկանը կը պատկաներ. վասն զի կեսրոջը, աներին, մյուս ազգականներուն սպասավորությունն Էր իր ավագ պարտավորությունը:

Այս գեղի աղջիկը գորովի և սիրո անսպառ գանձեր ուներ սակայն իր սրտին խորը, որոնք մեկ բառով, մեկ զգվանքով թերևս պիտի հայտնվեին: Բայց ավանդությունը կար իր աչքին առջև, իր ամուսնին հորեղբայրներուն կիները կային, նույն իսկ իր կեսուրը կար դեմը, Պոլիս գացող մնացող ամուսիններու սպասելով, տանը անհատում հոգերուն ու աշխատությանը մեջ մաշելով ծերացած կիներ, հիմա գրեթե պառավներ, ճիշտ իրեն պես, նոր հարսի պես լռիկ ու խոնարհ՝ այդ մարդոց քով, որոնք հանկարծ, երկարատև տարիներե ետքը, հիշեր Էին, թե այդ դժբախտներուն ամուսիններն Էին իրենք ու հայրենիք վերադարձեր Էին, այլևս աննպատակ ու անօգուտ դարձած ամուսնական կյանքը շարունակելու:

¹ Էրիկ- 1. ամուսին 2. տղամարդ

² Ստակ – փող, դրամ

1. Գրի՛ր, թե ինչ շրջասույթով է հայտնի Գրիգոր Չոհրապը հայ գրականության մեջ, և բացատրի՛ր, թե ինչու են նրան այդպես անվանում: 2 միավոր

2. Նշի՛ր երկու ընդհանրություն և մեկ տարբերություն նորավեպի ու պատմվածքի միջև: Գրի՛ր երկուկան հեղինակի անուն հայ և համաշխարհային գրականությունից, ովքեր գրել են նորավեպեր: 4 միավոր

3. Գրի՛ր, թե հիմնականում գեղարվեստական որ մեթոդն է գործածել Գրիգոր Չոհրապը իր նորավեպերը գրելիս և թվարկի՛ր նրա հրատարակած նորավեպերի երեք ժողովածուների վերնագրերը: 4 միավոր

4. «Այրիև» նորավեպում Չոհրապը ցույց է տալիս 20-րդ դարասկզբի արևմտահայ գյուղական ընտանիքի մոդելը : Ինչպիսի՞ն է այդ ընտանիքը, ինչպե՞ս են ձևավորվում կին-տղամարդ հարաբերությունները, ինչպիսի՞ն է ընտանիքի կազմը, նրա անդամների հարաբերությունները, և ինչպե՞ս է պանդխտությունն ազդում այդ հարաբերությունների վրա: Պատասխանդ հիմնավորի՛ր՝ ըստ վերը բերված հատվածի: 5 միավոր

5. Հատվածի համար գրի՛ր ամփոփում. քո բառերով շարադրի՛ր, թե ինչ է ասվում այդ հատվածում: Ամփոփման մեջ ներառի՛ր նաև քո մեկնաբանությունը (60-70 բառ): 6 միավոր

6. Ինչո՞վ է արդիական Չոհրապի «Այրիև» նորավեպը. ի՞նչ զուգահեռներ ունի 20-րդ դարասկզբի արևմտահայ իրականության մեջ առկա պանդխտության խնդիրը ժամանակակից հայաստանյան իրականության հետ, ինչպե՞ս է այն ազդում ընտանեկան կյանքի վրա: 5 միավոր

7. Ի՞նչ է նշանակում «այրի» բառը. ինչու՞ է հեղինակը այս նորավեպը վերնագրել այդ բառով: Հիմնավորի՛ր պատասխանդ: 4 միավոր

8. Հատվածից դո՛ւրս գրիր մեկ մակդիր և մեկ համեմատություն: 2 միավոր

ԴԱՏԱՐԿ ԷԶ